

集部

欽定四庫全書 集部

詳校官監察御史臣犯 裏

中書日劉源溥覆勘 腾绿监生日湯 式校对官編修臣許兆椿總校官進士臣朱 於 曆録監生臣湯

钦定四庫全書 當得天瑞希世絕倫之事然後可爾天瑞安可 THE DESCRIPTION OF THE PARTY. 不山可以鎮服四海誇示外國然自古封禪 以澶淵城下之盟為辱王欽若進曰惟封 されば 神田 田田 のるは 新城市 医阿斯坦克 明 松郎文茶 何喬新 撰

不忠之甚者也真宗仁厚之君羣臣未聞以諫得罪 相 王 沂 旦宋之賢相也其居位最久受知最深非冤畢諸将 及然天書之事既不能諫又從而附會之則可 不可乎欽若來問為旦言旦題勉從之帝召旦 歡飲賜以尊酒曰此酒極佳歸與妻孥共之既 必得前代蓋有以人力為之者帝曰王旦得 議 歸發封則皆美珠也回悟帝肯自是不敢有異 無 謂

天 設定四庫全書 是帝 則 我當欽若乗間有言旦正色語之曰王者德合於天 况 匹 可 未必忤乎觀欽若之進都說也帝曰王旦得無不 瑞應若以人力為之是誣天也四夷可以德化而 是逢君之惡非徒長君之惡而已其罪豈在欽若 夫 况於旦乎使旦諫而見忤不過以使相均逸外潘 偽 所 楢 欺 有憚於旦也而旦竟無一語沮之額面勉從之 恥旦不敢 若以偽為之瑞誇示之是欺人也誣天欺 Ņ 聞命如此則欽若必将羞沮而退 椒邱文集 矣 可 爾 不 而

之 美珠之賜旦當封而上之曰臣昨侍宴荷陛下過寵賜 禮 以尊酒命與妻孥共之臣歸而發封則皆美珠益婦人 Jt. 請既從之美珠之賜又受之至於封岱祀汾皆無大 使乃始愧悔而追思李文靖之先見嗟何及矣論者 誤 則真宗知旦不可以利動而事必中止矣今也欽 比馮道宣過貶哉 也臣不敢貪天之既謹歸之天府惟陛下裁察 封事者言兩漢賢良多因災變以詢訪關

|改定四車全書 罷直言極諫之科何其不思也且所 關也帝舜之世以言其治則庶政惟和矣以言其民則 古之聖王設諫鼓立諸木惟恐一徳之未修一政之或 四方風動矣以言其瑞應則鳳凰來儀矣然帝之命禹 日予違汝弼日汝亦昌言曷當以治化已隆而忘求諫 祖之降為瑞耶則出於縣卒所言以天書之降為瑞 誠哉真宗之世僅可謂小康耳一旦以受瑞建封遽 今國家受瑞建封不可復設遂部罷制舉 椒却文茶 謂瑞者何瑞乎 以

耶 變乎帝雖詢於芻蕘未足以消沙致和也顧乃罷制 者無有也當是時蝗飛翳空非災變乎歲早民機非 出於諛臣所上求所謂庶政惟和四方風動鳳凰來儀 以自塗其耳目是猶匹齊之人點和扁屏樂石而語 言可以喪那也數 日吾身康强耳嗚呼為此說者何人敷殆孔子所謂 則出於檢人所造以紫芝白鹿嘉禾瑞木為瑞耶 內侍江守思有罪伏誅太常博士俞獻卿抗章 災 則

威權 守 必 恩怙勢作威强取民麥杖殺軍士其罪大矣幸而敗 所 伏法受誅亦足以昭王法之公獻卿官為太常博士 石 不過逆探君心陰黨關豎以為已進身之地此正 以文學進身者也其抗章論殺宣情朝廷用刑之 顯 非獨人君之過也士大夫之不肖者亦陰為之 謂附下因上者也免於誅戮幸矣自古閹監竊弄 論教坐貶 之擅權則五鹿充宗為之羽異黄皓之專政 和印之集 四 則 漢 頗 助

一致定四庫全書 以徳夫宣偶然哉受天之命為天之子垂六龍而撫萬 陳祗與之表裏童貫之開邊則蔡京王黼從而附會之 我原其所以為此者欲比用以求富貴耳浮雲飛電其 此皆好人之尤者也不知其平日讀理賢書所學何事 匹夫而為天子必受命于天矣天之命之也或以功或 久幾何黨附好閱遺臭千古苟有人心者可以自省矣 大帝 上聖祖尊號曰聖祖上靈高道九天司命保生

故尊玄朗為上靈高道九天司命保生大帝又何其誕 固 則 之甚那夫老明之書具在毀簿仁義者也玄朗之名氏 日 虞舜之後拓跋氏出於解平而日黄帝之後有識者 其尊且贵孰加馬世之崛起者顧恥其先名位不昭 已竊笑唐祖老明故尊明為玄元皇帝宗祖趙玄朗 九經十七史所不載也高帝舉晉陽之兵芟隋季之 天下不知適所以欺天而誣祖矣曹氏出於閹豎而 引附會自托於神明之胄加以微號祀于郊丘以炫 叙印文典

金定四庫全書 先王之立后非神明之胄則公侯之裔也其幽間如關 亂遂成帝業足以雄美炎劉矣唐高祖豈不賢於虚 儒追無一言以陷其君於過舉亦獨何心哉 奈何近捨昭昭而遠取冥冥也當時忠良之佐博洽之 呥 其躬儉如為軍其不好忌如螽斯夫然後可以配至 耶太祖東征西伐除五季之亂改三百年之五業 比隆漢唐矣宋祖太祖宣不賢於荒唐之玄朗 立徳妃劉氏為皇后 無 耶

盡範于六宫表母儀於天下者當時兩府大臣如王旦 停或出於主家之歌妓或出於好聞之養女不亦賣姓 尊而為天下母自秦以降人主漁色而不暇顧其族逞 矣乎真宗欲建中宫當妙選令族簡求淑德可也顧以 欲而 不知求其徳所與共承宗廟者或出於亡國之贱 冠準者亦寂無一言将馬用被相矣 鍛家之勝而當軒龍之尊族姓不昭播鼗是業豈足昭 帝人欲相王欽若王旦曰臣見祖宗朝未當有 Ī 叔印文集

金定四庫全書 當國一何謬哉天之生賢不以南北而有間也金日禪 休屠王之子為漢忠臣李光弼契丹王之胄為唐元勋 乎旦以南人登相位者有去杜行范仲淹文天祥是也 徳 彼生於遐陬 之外且然况同出于文明之城者耶前乎 旦 以南人登相位者有矣謝安張九齡陸暫是也安之 量九齡之忠直勢之嘉猷謹論果何愧於賢相乎後 旦碩極雅度宗之賢相也然其論置相謂南人不可 南人當國者雖古稱立賢無方然須賢士乃可

相乎雖 是旦之說放之也推其極言之殆所謂一言而喪邦數 有 行之清慎仲淹之引殺天祥之重義挺忠抑何恭於賢 百 ; 北 也 臣欲格君心之非者必先自正其心吾心正矣猶 如 彼李義甫之狡險元載之貪贖果產於南耶抑 謝 耶自旦之說行世之嫉賢忌才者率以是藉口 有好諂如欽若者出於其間然不可舉一而 如張如陸如杜如范如文之儒一切抑而不 判永與軍冠準得天書于乾佑山 私中と見 廢 産 有 用 雖

欽定四庫全書 畧 鄉 如 典 方其罷政私請王旦求為使相君子已非之矣及在 不能成正君之功者况吾心之不正乎冠準懷 顄 明 是宣獨丁謂錢惟演之罪哉準固有以自 正 欲 耳再入政府曾幾何時用於讒口遠斥炎烟瘴 而 一代之常人也惜其溺於功名富貴而不能正其 圖 君何夫天書朱能所造中外咸識其許豈以 不知哉功名之心勝富貴之念深而正議有不 再相遂以天書迎合上意則其心不正甚矣其 松木五ゴコ 取 之也予 慨 埠 漁之 有 永 服 ت 大

多矣始而直終而佞始而庶終而貪利用終始不貳其 之節非世之具臣所及也夫士君子一善而不克終者 曹利用附丁謂而排冠準不得在君子之列然夷考其 行有後世所不及者二馬一曰忠盡有守始終不屈二 曰裁抑僥倖凡内降恩力持不與是二者凛然有大臣 故表而出之以為大臣渦於功名富貴之戒 宫公用錢房州安置內臣楊懷敏逼使自縊死 曹利用以從子內逆謀贬隨州又坐私貸景靈

文 己の事を与

Z.

椒邱文集

牖 金少四五人言 **無之命虞允文不敢諫况其下者耶而利用力裁恩** 操可不調賢乎張堯佐宣徽之命文彦博不敢違張說 山張氏始專其號者乾曜是已歷元以远于今國家崇 用者取其一節之善可也夫以丁謂之回過猶獲老死 倖怨怒不恤是尤難能也靜女之三章取躬管馬如利 天師之號防于逐讓之晉以前無有也自宋以來龍虎 下利用有是二善而死不以罪嗚呼竟哉 賜龍虎道士張乾曜號澄素先生

一致定四庫全書 長生久世之術耶則所謂天師者皆死且藍未有至今 猶存者也謂其建醮祝釐可以消珍致福耶則宋之疆 耳豈有道之士哉而歷代崇寵如此其至何數謂其有 魯之祖當漢末以妖術感衆竊據漢中與黃中張角等 于惠帝之世豈真凌虚御氣以從亦松子游耶道陵者 罷伊之世襲或範金為印刻玉為簡以賜之典禮優異! 之後而張氏自云道陵留侯之裔也以予考之留侯卒 **師由阜宣聖之裔有過無不及馬史謂乾曜漢張道陵** Į. 松邱文集

于斯而崇寵之數有天下者點其號散其徒而焚其所 行有可嘉耶則妥勝姬姜之奉與俗不異也然則何 甚哉程琳之不忠也夫琳以詞學發身豈不知母后當 謂符録者亦足以祛干古之惑矣 非朝廷美事耶护豆不知武后唐之罪人幾危社稷 日魔元之豪傑並爭天師未如之何也謂其清靜 注獻太后稱制三司使程琳獻武后臨朝圖后 擲于地曰吾不作此負祖宗事 趋五 取

沙包四華全島 志於一時而遺臭於萬世耶嗟夫三代以下義利不 幸因琳有獻而萌凱観之心則置嗣君何也哉若琳者 易姓受命也幸而在獻材質傷弱非武學之比其宗 护 國之賊也其免於誅夷幸矣然琳之獻此規入政府耳 族寒微非承嗣三思之儒故擲其圖于地而不納使不 価義以干進如琳者多矣讀史至此尚亦掩卷深省哉 耶今也莊蘇稱制而琳以武后臨朝圖為獻是導之以 不知富貴有時而消歇惡名終古而不磨奈何欲得 į 椒邱文集 明

金歩口方心 臣之於帝后猶子之於父母也子雖失爱於母不可以 父而點母臣雖有忤於后記可勸帝而廢后哉夷簡 知遠州 遂决中丞孔道輔諫官范仲淹等伏問請對夷 明主也郭后以怨懟坐廢况傷陛下頸乎帝意 夷簡有憾于后遂主廢點之議且曰光武漢之 皇后郭氏誤批上頭上怒謀廢后以告召夷簡 簡奏言伏問請對非太平美事的點道輔等皆

致后不以考終其不忠之罪大矣且伏問請對固非太 善應變者也后之言豈過數夷簡以已私憾陷君於惡 及莊 其君以廢天下之母又進邪說激其君以出直諫之 平美事也發點嫡后豈太平美事哉夷簡既引故事 朝 其 所 大行已虧矣世或謂夷簡為宋之賢相吾不知其 外戚干政內豎用事夷簡奉承惟謹非附太后而 以憾郭后者因其一 獻上廣夷簡乃擠張者等以自解真所謂多機 語而罷相耳然當考之莊獻臨 臣 勸 何 <u> 15</u>

大三日·巨人

椒邱文集

説也 金好四屋有量 廢后郭氏売寫內侍問文應於領南

之事何其思之不熟處之不審耶后之廢也文應實主 仁宗宋之賢君也其寬仁恭偷後世無異議馬獨郭 后

之久矣后之存文應安得晏然而已乎其設謀措慮欲 其謀時移事往帝稍悔悟樂府之賜察使之召點奴瞷

除其所忌猶未有問耳一旦后有小疾挟醫診視尚有

也顧以命文應而點奴得來問進毒以确之可哀也

一次定四軍全書 視者 况天下母耶其為帝盛德之累大矣讀史者安得不掩 僅以仲淹之奏竄于嶺南而不肆諸市朝豈足以泄神 姬於棺診驗則罪人立得矣而帝念不及此雖深悼之 額亦何益哉夫點奴弑主母天下之大惡也帝不之察 已予 當見野史云后既崩文應 遽 發之而後聞則后以 預明矣帝盍思之前日主廢后之謀者誰數挾醫診 之情哉嗟夫匹婦不獲其死古之人猶曰時予之幸 誰數后胡為而暴崩文應胡為而遽發數考問侍 松邱文集

晟裴度諸君子者録其子孫俾事其禄亦豈為過乎五 舜文之賞與禄亦惟施於當代之臣而已耳仁宗推及 者世禄益追念動徳而報其子孫此聖王之懿典也然 皋陶稱帝舜之徳曰賞延于世孟子論文王之政曰 卷而三嘆 於前代則過矣夫前代元勛碩徳果如漢之張良鄧禹 諸葛亮晉之王導下盡謝安唐之魏徵宋璟郭子儀李 **韵梁唐晉漢周朝三品以上官子孫依律叙養**

欽定四庫全書 者惟王彦章王朴李穀數人而已李振敬朔豆盧革盧 代運祚既促用舎亦宜其隨世以就功名而稍有可稱 孫倖沾思澤賢俊而淪於下位者其子孫不獲録用豈 官三品以上者一切叙蔭則是庸人而苟富貴者其子 觧 何功於國何德於民哉今也不論其賢否不考其功業凡 文紀李松王章史引肇之属則皆庸人而茍當貴也果 以貼勸懲而激臣下乎宋之思典於是乎濫矣 段權知開封府范仲淹及集賢檢理余靖館 _____ 松郎文集

安可以為恨乎今也仲淹以言事貶靖洙以救仲淹 古之所謂名相者以其顧公議而有所不為也為國 修又以消高若訥不能諫而貶奮然不顧公議而貶四 言是固當欣然納之使其言非亦當從容辨其所以然 之偉人請孫一時之賢者也仲淹上書畿切時政使其 材造足以為名相哉若吕夷簡是也夫仲淹與修一代 顏公議是小人而無忌憚者也雖有高世之智經國之 勘尹珠歐陽修于外戒羣臣越職言事者 不

ラン・フレンコー 賢以自快其私很恨而弄權與元載盧把丁謂之徒異 擇哉昔之奸臣欲壅蔽主聽者必指直言為離間欲誅 孫伯恭學街而寬假之耳豈至當之論耶 君臣引用朋黨是所謂一言喪邦者也雖有他善又何 鋤善類者必斥君子為朋黨夷簡之恕仲淹謂其雜間 足取者史稱夷簡為世名相盖以其子晦叔之相業其 侍至學士院得象必正色待之或不交一言仁 章得象為翰林學士時莊獻太后臨朝每這內 椒虾文集

士 欽定四母全書 避 孔 貴者也然竟因之而族減福豈可求乎君子知其有命 也然竟坐之而身死禍豈可避乎趙雙附朱全忠圖當 足界其心矣莊獻臨朝之時羣閹用事勢餤烜赫曹利 而修身以供之則見義必為見利不惑而窮通禍福不 鮮全節者正以其不知命耳夫窮通禍福有命存馬 子曰不知命無以為君子也予讀秦漢以下史而 之不可免求之不可得也郭崇韜請立劉后懼踐人 宗聞而器之及帝親政以得象平章事 嗘

馬二人之正直同而其禍福異者是益有命馬非內侍
 用以将内侍贬死襄陽章得象正色以待內侍終位台 惟盡其在我者而順其天則節全而名立斯謂之君子 之所能為也世之君子畏利用之禍而獻諂以阿之非 知命者也親得象之福而危言以關之亦非知命者也 兵不可好好兵者士民愁怨有內潰之憂亦不可去去 為郡延環慶路安撫使知延州備趙元昊也 以夏竦為涇原秦鳳路安撫使知永興軍范雅 伙印之来

倔 一敏定四庫全書 雖優武事不競至真宗之世契丹講和德明納款遂 異竊發西強攻一岩則一岩破圍一城則一城陷是宣 車垂不竟我器不簡魚麗鵝鸛浸不知為何物一旦元 武事而不講為將者皆膏粱之胃為兵者皆情窳之夫 兵者甲兵朽鈍啟外侮之患故司馬法曰國雖大好戰 元 吴之材且智哉益宋去兵后戰而致然 也夫元吴之 必三天下雖安忌戰必危誠哉是言也宋有天下文治 强難制有自來矣状就異常曹瑋預策其必為邊患

飲定四車全書 及其借居大號抗表以聞乃以傾險之夏竦畏懦之范 見矣既而冠環慶侵吐蕃取瓜沙廟堂安然不以為怪 愿也遠矣 者講武於四方無虞之日儲将於百蠻咸屬之時其為 嗣 雍以樂之是何異於驅鳴雞以當熱爲哉古之有國家 位之初避父諸而改明道為顯道其不臣之意已可 夷簡素不悅富獨因薦之歐陽修引顏真卿使 契丹遣使來求閥南地帝命吕夷簡擇報聘者 松町文集

幸而死獨幸而生還是則有命馬非紀與夷簡所能為 其 遣之使强悍不測之邊其設心措慮正相類耳真鄉不 犯惡真鄉則遣之使反亂無狀之臣吕夷簡惡富弼則 耳嗚呼厄哉唐之顏真鄉宋之當酌旨剛直之士也盧 毀之排之擠之或假手以害之所謂盗憎主人其勢然 三代而下剛直之士何其厄哉剛者其無浩然小人患 不可屈直者其色毅然小人惡其不可凌是以替之 李希烈事上疏乞留之不報 一致定四庫全書 人 當契丹求地人心沟沟弱毅然入對曰主憂臣辱臣不 櫍 敢 爱其死杖節出疆雖女死男生有不暇顧馬及敢再 富 蕙茝也然則小人欲害君子亦何益之有哉 蠅 弼可謂忠矣有難不辭勢亦可謂識矣有功不言賞 好疆場無虞以為翰林學士又懇解曰增嚴幣非臣 今去唐宋數百年矣杞與夷簡死有餘臭聞其名者 蛆 **糞穢也真卿與弱殁有餘馨聞其名者猶椒蘭** 以富獨為翰林學士固解不拜 松邱文集 캋

宋之所以不競者以怯於用兵而急於講和爾澶淵之 歟 本意敢受賞乎益未當自以為功也在易蹇之六二曰 所未厭也彼獨何人哉嗚呼若弱者真萬世人臣之則 於之色稍著微勞則侈然自負雖酹以髙虧厚孫猶有 王臣譽譽匪躬之故議之九三曰勞謙君子有終吉若 弼者有之矣世之贱丈夫委以艱大則悲哀怕恨有可 九吴更名曩霄上書講和

人二日至 三十 矣而真宗遽與之和捐金幣三十萬以成契丹之强元 彼將自因兵而仁宗遽與之和捐金幣三十五萬以成 吴之叛和市不通國人愁怨有十不如之謡雖不與和 靈夏之勢益宗之諸帝仁厚有餘剛斷不足譬若富室 後僕姑一發達蘭隨為彼軍奪氣雖不與和彼將自退 也冠準欲邀契丹稱臣獻地而真宗不從富弱蔡襄言 厚幣以尚求 無事而己追恤其他哉當是時非無善謀 之傷子强深者侵之健訟者侮之則蒼黃失措惟早解 Į. 椒邱文集

金成四月白書 邑桂節度亦將許之甚哉宋之不競也夫貢賦之入有 元昊不可許和而仁宗不聽甚者僕智高移書行管求 周召雖不世出蕭曹丙魏房杜姚宋之傳世益不之也 有國家者得賢非難任賢惟難天下未嘗無賢也伊傳 豁壑之欲無窮一歲之中北邊三十萬西邊二十五 財力惡得而不屈國勢惡得而不削哉 **范仲淹富弱杜行韓琦相繼罷歐陽修上疏論** 之羣和益忌修傳致其罪左遷知涤 恭五 ;H;

とこりき 八計 夏辣飛語罷行以丁度置書罷琦以是尹珠罷而修又 慶歷之治宣止於慶歷而已哉曾幾何時仲淹與獨以 多哉仁宗銳意於治而諸賢並列于朝可謂十載之逢 之於王猛如武宗之於李德裕持之以堅期之以久則 也使仁宗推心而委任之如昭烈之於諸葛亮如符堅 皆間世之英其經濟其德量蕭曹丙魏房杜姚宋豈足 顧人君任之專與否耳韓琦杜行范仲淹富弼歐陽修 上疏救四賢左遷是猶病者甫得良醫未盡其份遽 椒即文果

金兵四周至書 結責族而取重哉自其始仕也命以館職則解薦為諫 非 選夫得君如仁宗而諸賢猶不獲盡其用宜天未欲太 王安石以學行高一世不汲汲於富貴不戚戚於貧賤 以庸醫之毀而點之又何望其療膏旨而起沉疴也哉 耶押諸賢之命耶有志於濟世者安得不為之深慨 惟安石以是自信而天下士大夫亦莫不信之惡有 取重於是韓維日公著兄弟更稱揚之 王安石自以楚士寡援中朝因結韓吕二族以

处己习自己与 哉史氏之說也 官 士寡援因結韓吕二族以取重可謂誣矣當是時歐陽 疾求去昌當以富貴累其心哉史臣顧謂安石自以楚 公着世之所謂賢者也肯以安石私交而稱揚之耶 名 於世久矣又奚籍韓吕二族為重哉夫結貴族以養虚 修重之文彦博重之天下士大夫恨不識其面其見重 則解改修起居注又固辭至居相位議稍不合輒 鄉黨自好者不為曾謂安石之賢而為之耶韓維 Į. 水邱文集 Ŧ 稱 陋 吕

金罗口尼白一 绥 暴不可謂之侵小彼陸說謂諤擅與而故釁者書生之 竊據奄逾百年膏腴化為沙漠華族淪于異俗此有 者所宜痛心也又况元昊做擾郡延諒祚荐縣秦渭 銀有級延中國之故地也其土沃饒其民縣健自 州之役論者謂种諤襲取名山為非計愚以為不然 為圖之哉夫復我之疆上不可謂之生事報敢之冤 國旰食之日久矣尚有可乘之隙豈可安常守固而 种諤襲取夏嵬名山以歸遂城綏州 拓

論耳豈足以語權哉惜夫鍔能取之而不善守之故不 とこうえしい 之地可復賀蘭之境可入矣 守以固我之藩籬以斷敢之肘臂則近忆遠懷而河湟 災異之變益欲君天下者覩災而思咎耳古之英君誼 踵而失使諤既城綏州厚集其勢撫納屬羌使自為 相與之際未易言也然洪範若休咎之徵春秋書 帝以災變避殿減膳撤樂王安石言于帝曰災 異皆天數非人事得失所致 椒邱文集

金白正居全書 妖軟矍然曰豈吾政之或缺乎昌當該諸天數而 不知 主正事之道哉嗚呼安石背經叛道如此真聖門之罪 省哉王安石以通經學古自負其於洪範春秋之古考 人哉 之熟矣災變之來君未知警猶當胥誨胥告使畏天威 說是達君之惡也是婦寺之忠也豈古之大臣 保天命可也今也君有警懼之心而安石反進邪 **禄祥之見軟惕然曰豈吾徳之或愆乎一草木之** 養五

見こり屋を与 也其行免役法則曰先王致民財以禄庶人在官者之 無 於是以其所學於古者而施於政凡可以富國强兵者 富强而宋之中葉都蔵耗竭兵衛寡弱不足以有為也 然謂之奸邪則過矣安石之意益以欲行王政當先致 那予謂安石徇其學術之偏以成候國之禍信有罪矣 王安石之行新法天下後世攻之不少恕至或武為好 不為其青苗法則曰先王椎制無併均濟貧乏之意 以王安石祭知政事議行新法 松卸文集

銀坑四周白書 意也其行保甲法則曰先王寓兵於農之意也不度於 海内安石之罪其何解然原其初心則欲致富強以 也凡安石所建立皆本於周禮而其禍若此然則周 王政爾非欲殘民生如商鞅桑引羊宇文融之所為 不回於是老成者斥巧佞者進卒至羣奸肆毒禍 不謀於眾斷斷然自信所學而不疑及羣議譁然堅 者比而同之豈萬世之公論哉若曰周禮周公所 不可行乎曰不然周公之法無不善所以因時制宜 也 行 禮 作

文足可奉合的 良醫不能用方也 李麥行之陕西而民便王廣庶行之陕西而民亦便使 人而徒欲恃法以為治是知良方可以療病而不知非 法以制天下又豈可歸罪於聖人之法乎沉青苗之法 馬庸醫用藥以致殺人不可歸罪於和扁之方庸人用 乎醫先王知法之不可獨恃也故數求哲人以守其法 者存乎人譬之和扁之方無不良所以診脉用藥者存 奉法者皆參皆廣廣安知其終不可行哉安石不知求 松卸文集

金少でたと 嘗訓書而釋詩矣然韓琦當弱程顏有德而仁厚者也 書曰傳徳允元而難士人詩曰謀之其减則具是違謀 善謀而與亦未有不以任儉壬違善謀而敗也王安石 日惠卿李定衛館包藏山惡者也琦等論諫謀之戚者 之不減則具是依古之有天下者未有不以任仁徳用 而見斥惠卿等以邪說而獲進口誦詩書之言而身優 也惠卿等所言謀之不减者也安石用事琦等以忠謀 監察御史程顏乞罷許之

欽定四庫全書 諸 早無以恤之亦非有百萬之師無以觀之也富有四海 先王之政關市不征澤梁無禁所以與民同利也戰國 法予謂變法之罪小擴諸賢而任羣好其罪為大也 危亡之迹果何取於學古哉世之論安石者多罪其變 猶未聞也而王安石始為之當是時非有方數千里之 宗又有間架之稅其言利折秋毫矣然閣坊場河渡則 侯始錮山澤之利至漢武帝始有舟車之等及唐德 暴民職坊場河渡 · 林山文集

馬糞其事遂止嗚呼安石平居自許欲與堯舜之治而 察怨詈以考其政所以來善言而通下情也昏暴之君 古先哲王之有天下設誇木置諫鼓采歌謠以省其您 謬辱國家而羞後世莫此為甚馬昔裴匪舒請繁苑中 所未有顧與匪舒所請等爾不亦可羞哉 以皋敷稷契自期待然其言利也戰國漢唐東李之政 何求不得何至衛坊場河渡以收其利哉謀之批計之 置京城避卒察謗時政者

飲定四庫全書 一 安石者可以自省矣它山之石可以攻玉聞其諺而改 官者石得一典之飛書朝上暮入行獄道路以目殆将 言之禁益將以掩其惡也而惡亦不可掩人心是非之 十年宜其能引該矣然日該之彈文范鎮之奏疏唐坰 之所得多矣既不能然方且置避卒以察謗當時又以 公豈嚴刑峻罰所能過哉王安石變舊章立新法士大 惡聞其過於是乎有誹謗之律有腹誹之誅有非所宜 相與誇於朝商賈相與誇於市農工相與誇於野為 椒邱文集

得乎 日惠卿之章具載簡冊至今猶以為謗也安石将如之 也書不云乎小人怨汝詈汝則皇自敬德殿愆曰朕之 何哉安石當訓釋詩書矣詩不云乎人之多言亦可畏 **想安石舍理人之經而襲用秦漢之法欲保令名其可** 官府而為兼併之事召惠卿執政劾布沮新法 曾布代向懷不能平具上嘉問多收息干賞挟 吕嘉問提舉市易恃勢凌三司使薛向出其上

君子之交以義合小人之交以利合以義合者禍變之 顧義而相恤以利合者禍變之際徇利而相傾此自 出知饒州

際

惇 嘉問左右安石建立新法或赞翊於立法之初或紹述 然之理也王安石之門下厚小雜沓皆以利合者也章 **衛館曾布蔡京那松林希吕惠鄉李清臣張商英吕**

於罷政之後雖謂之王門十哲可也宜其協心并力有

膠漆之固矣然轉盼之間互相傾擠不能相容布與嘉 椒邱文集

次足四車五島

惡者也欲 問共事者也因情勢凌使之忿遂劾嘉問館與惠卿 羣賢終則恨惇遂成怨隙朝為金蘭暮為矛盾正歐 極 說 褒美矣議政不合則斥其逢君至於布始則阿惇醌 之 功, 其稱美矣處于樞府則與之乖異商英草京制極 惇由之以 핡 惇藉之以報復及不得大用題白其短布草惇 謂小人之朋見利而相爭或利盡而交疎則 彌縫阿附之迹遂排惠卿清臣首發紹述之 拜 相 及不得為相廼與立異恕矯誣定策 制 同

金りで

炎已四年亡与 賊 搖落不改其舊馬小人如細柳柔蔓婀娜纏綿令人喜 知人之難自古病之然公以處心明以獨物則知之亦 汌 難也君子如孤松勁相望之蒼然不可押玩雖風霜 腹心寄之以耳目欲與之共與堯舜之治不亦謬乎 害是也此數子者真可謂傾危之士哉而安石托之 士寧獄以傾安石 初日惠鄉迎合王安石建立新法故安石力接 引驟致執政惠卿既得志忌安石復用乃起李 椒邱文集 千七

安石罷相之餘逆距其再用者出於惠卿之謀夫敏中 李德裕忌白居易而薦白敏中然德裕得罪之後出力 悦也而爱之於是好惡横生而君子日疎小人日親矣 哉世之為大臣者以其不可押玩也而憚之以其可喜 悦然玄冬冱寒推落無餘矣以此驗之何患人之難 惠卿小人也嗜利忘義不足深責徳裕安石處心不 公 以傾之者敏中為多王安石忌司馬光而薦吕恵卿 好同惡異實有罪馬予故表而出之以為後世大臣 杰 知

金罗正屋台電

钦定四庫全書 戒 然况華夏之君哉宋與契丹結好以來殆将百載彼 以慎保祖宗之土宇而已疆域之内尺寸不可捐以 有 地 國家者據險院設閥城守之以勁卒鎮之以虎臣 于匈奴單于謝曰先父地不敢失也彼夷秋之長 以其受之祖宗也況數百里乎漢成帝遣夏侯藩求 里 記韓鎮如河東割地以界遼東西凡失地七百 椒邱文典 盖 且 與 疆

直 告彼必欲得地則是志在敗盟有戰而已兵出有名 此界分畫已定一旦遣使以地界為言得非窺吾兵疲 之策割祖宗之土字歸異域之版圖是契丹不費斗 石之言曰将欲取之必姑與之終安石之世昌當取價 而 因有所侮而動耶為宋計者質之以地圖諭之以文 用兵豈遽出被下哉而神宗舍韓琦之謀用王安石 為壯況彼中葉将縣卒情非安巴堅之比 一矢而坐取七百里之地也宋之削弱亦甚矣安 倘不得 師

設定四庫全書 實之法吕惠卿所建非出於安石也安石怨惠鄉叛已 能回也今以鄧紹一言遊罷手實之法何其易哉蓋手 王安石之為相凡無財富國之法斷然行之而不疑雖 而惠王以為耶遼以虚聲取之神宗之取為何如哉 告深惠王以喪地於秦七百里為耶夫秦以攻戰取之 其尺寸哉此蓋內不能辨而外為大言以因其君而已 元老如韓富不能沮也雖雅所敬重如程罰司馬光不 罷手實法 ~ 椒邱文集 芜

之罪耳其事雖公其心亦出於私也況當時病民之法 縫其附麗之跡耳安石亦非有悔悟之意者欲彰惠卿 故用館言以罷其法耳然館非能為國家忠計者欲 人情怨嗟比屋思亂其當釐革豈在手實之後乎罷其 及果實水炭其為民病不甚於手實乎吳居厚行鐵治 于 京東蹇周輔行鹽法于江西陸師関行茶法于西川 特手實而已即役之法徵及女户單丁市易之法鬻 而存其五是猶拘黎平民鎖其項拳其手械其足而 彌

沙尼四車全書 姑緩其一馬其能使之舒暢耶 承富庶之後慨然有鞭笞四夷之志故其在位也王部 而不已使生靈不終其天年豈為民父母之道哉神宗 兵之為用所以禁暴戢亂聖人不得己而用之也得已 帝當有意於熊薊請太后白其事后曰事體至 所係未易以言為可取之太祖太宗收復久矣 大得之不過南面受賀而已萬一不詣則生靈 何待今日 椒虾文集

者二十餘萬交趾之亂連陷三州死者不可勝計良将 快矣至其敗也靈州之役死者三十餘萬永樂之役死 用 用兵於照河熊本用兵於渝瀘章惇用兵於湖北李憲 之利害者多矣然未有若曹太后之言明且盡者也其 官奉表稱賀鏡吹穿雲旌甲耀日赫然耳目之觀誠 勁卒横身草野以食烏萬其禍為何如也自古論用兵 兵於洮西方其勝也帝御紫宸殿将臣奏凱獻俘百 曰苟可取之太祖太宗收復久矣尤可謂善審彼已 可

金河口石

1:1:1:1

改定四車全書 用人之命以為耳目之觀為臣者知此遠肯用人之命 哀慟之悔哉傅之後嗣豈至收復燕雲遂并中原而失 之哉嗚呼太后可謂有先見之明矣為君者知此不必 者也使神宗度奉慈訓深戒用兵宣有環搦至旦臨朝 易封侯之賞哉 憐之但貶黄州團練副使本州安置 於國李定舒直摘其語以為怨謗欲真之死帝 蘇軾以事不便民者不敢言以詩托祖庶有益 林邱文集 圭

古之君子君有過則諫政有失則言諫不行言不聽則 過寧免於禍乎軾之意葢謂以詩托祖庶其君之一悟 形諸詩歌以道其不幸者矣然怨而不怒憂而不傷有 温柔敦厚之風無怨尤切蹙之病故言之者無罪而聞 去未始託諸文詞以自表著也放臣屏子情不能已有 口卷其舌猶懼不免顧乃輕出所有以揚已長而陷人 在宋雄文直氣冠冕一時羣儉側目父矣為軾者緘其 之者有感馬烏有怒號怨剌如訪鄰属坐之為哉蘇軾

設定四車全書 章遽能使其君感悟耶當是時李定舒亶王珪之徒極 亦可謂不思矣新法之行舉朝爭之而不肯從寂家短 責哉所可惜者軾不能沉默以自全耳 帝安能追然泥庭草之誅彼定舒與珪陰險小人何足 贬滴而已使遇漢宣帝始不免種豆南山之禍遇隋炀 力鍛鍊軾幾不能自脫幸而神宗不以言語罪人簿示 王安石以文章節行自負其志直欲追蹤孔孟而於近 王安石卒 椒印文集

欲與道致治以攀伊周之逸駕而視當時賢相如韓琦 世大儒若韓愈歐陽修旨不滿其意至其為相也慨然 者矣然考其學術訓三經著字說往往以佛老之似亂 富弼者皆薄之而不為其志如此宜其所就有大遇人 其相業任己惠卿以與財利任曾布以更役法任王部 犯盖之真而於聖人所筆削之春秋則武為斷爛而不 列于學官具視韓歐距邪說以衛里道熟為優劣耶考 章博以構怨於四夷放棄忠直引用檢传而天下日

飲定四車全書 者孔盖之學也才雖萬而所未能者伊周之才也不以 於敗視韓富慘慘以培國本疑天命為心又孰得孰失 至是哉昔臨川吳氏論之曰安石之學雖博而所未明 聞道故耳世或目為好邪至於少正卯盧杞為比則豈 信而不回此其所敝也斯言得其實矣 所未明未能者自少而以所已明己能者自多發然自 耶安石初志未嘗不善而卒至於大謬者無他馬學未 尚書左僕射兼門下侍郎司馬光卒 椒虾文集 菫

古之賢相不世出漢之蕭曹丙魏唐之房杜姚宋以 然儒者也故其居洛也天下仰以為相其入臨也百姓 堂之詩不能無聲伎之娱通經學古如歐陽修然尊崇 宋之韓記富歐代不過數人而已然夷考其行或學術 濮王之議不免於逢迎之咎君子深惜之若司馬光者 之未至或操履之未純雖先憂後樂如范仲淹然慶朔 為本至於孝友忠信恭儉正直居處有法動作有禮粹 三代以下一人而已光之學一出於正而其心又以誠 至

遮道聚觀其卒而望也送者如哭私親是豈以聲音笑 貌得之哉彼蕭曹以下諸君子亦當有感人之深如是 晏子伯者之佐耳九原如可作也吾願為光執鞭 耶昔太史公論晏子備致希慕之意且願為執鞭嗚呼 黨以劉擊梁壽王嚴叟劉安世為首而輔之 贾易為輔蜀黨以蘇軾為首而 尚等為 黨蜀黨朔黨之說洛黨以程頤為首而朱光庭 吕公著當國澤賢在朝不能以類相從遂有 輔 者 洛 朔

欠足四車全書

椒邱文集

恚

金ダロガイン 哀未忘不可以歌未有餘喜未忘不可以哭也倘處禮 既 當然也而就乃肆情茂禮每加玩侮此軾之罪也至 三黨則皆君子也徒以好惡不同而 朋黨之說自古有之然皆以君子小人以類從耳元 祐 行之後不幸而聞父母之喪期功之成亦将不舉哀 慶 存心制事動以聖人為師動止語點一用古禮儒 而事頭執 だ 釈 爰而不歌之說以為不可則過 矣夫餘 松五 相比耳夫頤在當 者

失之矣當是時熙豐那臣退伏散地俟問投除求逞其 之行擊等亦竄逐四出國事制致不可為嗚呼哀哉 惑在位宣仁既崩國是遂搖軾有昌化之貶颐有活州 不免顧乃各為黨比互相訴排卒之產奸競起邪說以 好諸賢同心相益同道相濟以杜将十復起之的猶懼 不成服乎此頭之過也較知其不可據禮爭之可也乃 以俚語頭反求諸已犯而不校可也乃賴形忿怒胥 熙豐舊臣争起邪說以惑在位日大防劉擊惠

钦定四車全書

Į

林邱文集

勢有宰相之度矣而宰相之材不足太平之時相之可也 宰相之職其明必足以察幾假其材必足以消禍變其 不足於明矣那說橫流以撼在位此周典所謂造言漢 多事之秋變故紛出非所克堪矣夫熙豐舊臣包藏禍 威必足以懾奸士夫然故能措天下於康靖己大防劉 心志在報復宣引用所能平其怨哉而大防與勢不察 非調停說遂止 之欲稍引用以平夙怨謂之調停蘇轍面斤其 忠玉 欠足口自己言 擊不能則不足於威矣旁搜英賢以充朝廷遠竄檢壬 停之說雖以轍之言而止然趙瞻在客院許将在政府 於炭則水必消雜用犯正祗以速都而已惡能到怨哉調 夫君子小人猶薰循外炭然雜薰於循則董必臭置水 擊熟視邪黨布列中外而不為之圖則其材不足稱矣 法所謂不道也明典刑以誅殛之夫豈為過而大防與 楊畏來之邵在言路皆熙豐之邪黨也異時宣仁上實 以樂魑魅則羣奸殆将老死貶所何之能為而大防與 **** 椒邱文集 卖

金少巴尼八十十 畏首請給述先政而停下之徒感掌而起矣推本而言之 捨大防與幸誰谷哉 椒邱文集卷五

父已日年 台書 居視其所與達視其所舉此觀人之法也知人實難然 欽定四庫全書 史論 椒邱文集卷六 宋 論純仁不可復相乞進用章惇召惠卿不報 以范統仁為尚書右僕射楊畏與來之邵上疏 椒邱文集 明 何喬新 撰

金万巴尼 夫宰相者體天道奉王法至公而已矣有功者賞雖親 一得乎雖然大防戆直無他技不足深責也純仁知畏與 置之言路且約其助已宰相閣於知人如此欲免於禍 仁不可復相而乞進用厚與惠卿其惡直醜正朋邪黨 也章惇吕惠卿懷奸惧國社稷之賊也畏與之邵論統 以此求之十得其七八矣范統仁世濟忠直社稷之衛 惡雖三尺童子可知其心之邪正向背矣而大防不悟 邵非正人而不為之所計豈以其當論己而避嫌耶 白量 Le rel D rot VI fino 戚不敢靳也有罪者誅雖怨仇不敢避也為宗社之計 實罪之魁馬自王安石以曲學偏見取祖宗之法紛更 清臣險設小人也宋室陵夷非獨章惇察下之罪清臣 正奸臣之誅何嫌之有計不出此而養癰以待其潰它 之天下萬然喪其樂生之心民始有遠志矣幸而司馬 日亦不免於竄逐果何損於怨哉 熙寧元豐之意 廷試進士李清臣發策歷武元祐之政有紹復 椒邱文集

請於是惇下起而用事凡安石病民之政一 清臣怙才躁進陰圖柄用窺見間隙首發紹述之說以 謂其有旋乾轉坤之功雖其問有矯枉過正者要在培 民治兵一循祖宗之舊黎庶謳歌自以為更生故君子 立 邦本疑天命非出於好惡之私也宣仁既崩主意頗移 引羣邪布列庶位元祐諸賢貶竄無虚日天下之勢遂 記之亦機繼而楊畏來之仍曾布張商英相繼 舉行援 有

光為相刻青苗市易之法罷保甲保馬之令凡所以養

分四月五十

肯薦引所忌以害其身哉史臣顧謂布引京自助可謂 至於不可為是清臣啟之也昔賢刀亂齊君子歸咎於 妄矣同文館之獄京凱執政而布沮之其怨際之構己 曾布雖非端人吉士然趙利避害以為身圖則容矣記 卡劉喪宋室吾捨清臣將安歸咎哉 管仲李林甫亂唐君子歸咎於韓休益推本之論也惇 布謀引京自助故有是命 召蔡京為翰林學士承旨韓忠彦與曾布交惡

大正日華 白馬

椒邱文集

世也 待布之薦引哉嗚呼天將棄宋也飲何為使京久生於 一哉於之前後所書京非布所引也京之為人校佞無 善結近習故童贯薦之徐知常薦之范致虚又薦之豈 布多不協因言布私其所親布遂罷相京亦曷當助布 臣安敢豫議曷當有一言引京哉京既相之後議事與 金发口尼石量 言非相蔡京不可似與卿不同布曰洵武既與臣見異 日及鄧洵武獻愛莫助圖徽宗以圖示布曰洵武 耻

欽定四庫全書 門 誣天下母訾社稷臣以求進身耶商英當紹聖之初與 所以為此者欲圖富貴耳君子進身亦必有道矣何至 比之日后其罪已不容誅矣司馬光忠信直該社稷之 耳豈商英所致哉夫宣仁太后之賢遠邁馬鄧而商英 商英檢传小人也拜相之後彗星不見久旱而雨偶然 臣也而商英武為好邪其罪又豈在惇下一哉原商英 英受命是夕彗不見明日雨 以張商英為尚書右僕射時久旱彗星中天商 极邱文集

所以然者以哲宗改之於始而徽宗不能開之於終故 變哉曾幾何時貶斥而死非不幸也 異同以邀時譽此儉人之尤者也惡能格天心而弭天 羣邪比而為惡及見蔡京久盗國柄中外怨疾乃稍立 奔淫穢之行益漢唐所不及也至於劉后而家法隳矣 宋有天下家法最正后妃宫嬪有關睢間雅之風無鶉 議廢之遂即簾釣自縊死 太后劉氏自殺后頗干豫外事且以不謹聞帝

以未亡人報干外事而徽宗不能制椒房桂寢之嚴豈 徽宗不能禁防開之道濶畧如此劉氏寧不肆情而縱 失問有家之義馬夫女不言外婦道之常也今也劉氏 后便正位中宫以母天下豈所謂好速哉徽宗以哲宗 欽定四庫全書 懲耶嗟夫賢淑如孟后徽宗既復其位號矣不旋踵又 之故曲加思禮尊為太后已越紀法矣而又恣其所為 外人所可造者令也道士徐知常以符水出入其間而 耳劉氏以妖冶得幸本非德選哲宗溺於艷色廢黜正 椒邱文集

之兵又安能及宋哉予以為不然遼自延禧嗣位荒於 兄弟之國助以兵糧協力樂金則遼未至處亡而尼瑪哈 世之論者皆曰靖康之禍華於結金以代遼使宋念遼 其既死又從而冊諡馬是非乖戾亦甚矣有天下者刑 以奸臣之言而廢之穢行如劉氏徽宗嘗議廢熙矣及 於家而後正於國貴為天子而太后通以不謹聞豈刑 家之道哉 詔馬政浮海如金預請燕雲之地

信 詔 以當猛虎未見其有濟也當是時結金以代遼固不可 天怒其國本已搖矣完顏氏歘起東睡天方相之鼓行 收 助遼以禦金亦未能為宋計者聞隣國有惡惕然警懼 而前莫敢櫻具鋒者使宋遼協力以禦之亦猶驅奉羊 游田总於政事其國勢已寝弱矣而守自哲宗以來崇 とこりにんう 奸佞放逐忠賢祖宗良法變乖始盡財匱民窮人怨 以開言路政令當改者改之賦斂可蠲者蠲之內修 召英賢竄逐奉小下罪已之的以昭在怒下極諫之 椒邱文集

以待之矣何遽至亡國哉不此之圖而遣使約金攻遼 政刑外敦鄰好選將練兵以為戰守之備築城建堡以 於我未敢遽萌禍心就使擾吾疆場則吾國勢稍張 防侵軼之虞庶可以感人心而回天意使金舉遼而隣 取之矣其能愛我而不攻乎 求燕雲之地是猶千金之子成業已隳顧且幸灾樂 即盜以謀其鄰而求分其室馬嗚呼盜既攻吾鄰 鉛童貫蔡攸勒兵巡邊以應金

夫承平之世果毅如林豈無比散可以備爪牙者乎抑 宣無忠力可以為藩垣者乎然人君以為去已疎遠不 てこり 日上によう 李憲童貫統邊兵禍敗之迹史不絕書真萬世之鑑也 風沙衛殿齊師已來唐以李輔國程元振典禁旅宗以 而已衰世之君始假之以權又其甚也遂委之以兵自 撫卷慨數繼之以泣也嗟夫閣寺之職供汎掃傳命令 肝碎首者也予每誦其言而考往古禍敗之迹未當不 蘇文忠公有言閱豎之禍如毒藥猛獸近之未有不裂 极邱文集

竭帑藏之財以資之而不知毒藥之不可供膳羞猛獸 於邊的於是貶萬乘之重以龍之屈將相之貴以禮之 臣或取一城得一堡又欣然曰吾家奴能破敵矣何資 斬數級得數馬軟欣然曰吾家奴能捍邊矣何籍於廷 若吾家奴之可親信也故授之以利器假之以重權或 之子孫乃以數閱奴而敗之於心能無思乎有天下者 飲泣追悔曩您嗟何及矣嗚呼祖宗大業以百戰而得 之不可同寢處也至於威權已成危機日迫乃始在聲

四屆百書

欽定四庫全書 人 惕然知警軟 庸醫乎釣軸之任宜其慎擇乃以李邦彦為上相張邦 取自古關豎亡國敗家之迹書之惟屏銘之几杖庶乎 昌為次相趙野王孝迪蔡懋佐之一 何謬戾至此哉夫 育已潰危在旦夕使盧扁治之猶懼其不可為况委之 欽宗嗣位之初金人內侵國勢已去譬之久病之人膏 門下侍郎蔡懋為尚書左丞 以李邦彦為太军邦昌為少军趙野王孝迪為 椒邱文集

萬為楹哉故金兵臨城蒼黃喪魄彼有請帝出幸而已 惧國多難之秋乃使當釣軸之任是何異斷形為礎束 童梁之門庸鄙無識之人耳此數人者平時相之猶懼 受偽命者也彼知專事遊燕耳孝迪野懋則出入王蔡 建一策以舒國家之危急嗚呼青城之行益兆於此矣 耳請割三鎮而已耳請增金幣而已耳豈有能出一 邦彦都人目為浪子者也彼知詩酒之樂耳邦昌異時 金斡里雅布園京師 謀

飲定四車全書 僅六萬勤王之兵至城下者已二十萬宜命大軍扼年 時而後拔况京師城郭之固師旅之强糧餉之豐非太 威雖未易當然張孝純堅守太原金以大衆攻之歷三 良將勁卒固守黎陽金必不敢渡河就令得渡然金兵 原比使宋有中材之主得教時之相聞金兵南下亟命 也宋之主相非才而不能用善謀也夫完顏氏兵甲之 幹里雅布之伐宋懸師深入兵家所忌也然卒以取宋何 問以當其前奇兵邢相以截其後青齊之兵攻其左 椒邱文集

邪說以取亂亡者多矣豈獨欽宗也哉 君邦彦陰柔之輔金固有所侮而動也易曰公弋取彼 盡力疲縱其北歸半渡而擊之皆策之善者也欽宗俱 謀也种師道請俟彼惰歸扼而殲諸河李綱請俟其食 在穴欽宗之於邦彦是已嗟夫自古以來違善謀而用 不之從惟李邦彦割地請和之謀是聽益欽宗陰柔之 主懼將潰敗不可支況幹里雅布之輩耶當是時非無善 裹鄧之兵擊其右雖使韓彭為將賁育為卒良平為謀 這使辨解大臣畏禍皆不欲行虚中承命毅然而往視 藝奉天之記未能遠過至於姚平仲却营而敗也帝欲 侮自焚之禍其先見之智豈在李綱下及金人敗盟上 失節之士君子所不予然在宣和靖康之際未見其罪 甚哉人君聽言不可不審也況用之進退大臣乎虚中 也方王黼為相虚中上言廟誤失策主即非人将有約 下震恐虚中草罪已之詔徵勤王之兵詞氣激烈雖陸 宇文虚中免言者劾其議和之罪出知青州

東定四事全等 一

椒邱文集

義之心莫甚於此嗚呼危急之際則遣之使金兵退之 宗以耳目所及曾不能察遽用臺諫之言而罷之傷忠 罪不聞舉劾顧乃劾虚中之議和豈天下之公論哉欽 虚中且首陳和議者誰數力請割地者誰數非邦彦南 南仲諸人耶今也金師甫退臺諫遽以議和割地歸咎 推誠而任之俾與李綱協心比力豈不賢於李邦彦耿 仲諸人歟虚中不過承命出使耳臺諫於邦彦南仲之 弼慷慨使遼始無愧馬虚中志節焯掉如此使欽宗

後則罪其議和君臣大義亦大削矣他日虚中出使遂 降於金得非追憾而然敷 以郭京為成忠郎選六甲兵以禦金

近世妖誕之徒假幻感衆或云能匿形窺敵或云能撒 日而克中山李愬以往亡而克吳房是時日不必泥也 沉江中而劉毅破盧循是機祥不足信也魏太武以疾 自戰國以來有其術矣然泉鳴牙上而謝父破石虎蕃 兵家者流或占候機祥以驗吉凶或推步以決勝負益

TO THE LINE AND THE

椒邱文集

祥之說乎顧乃尊信妖人以取禍敗何取於稽古哉宋 孫傅乃深信不疑何耶且專與傅旨以明經進士舉者 兵也但擇年命合六甲者取之斯果何所見乎而何專 者既筆之於書好怪者又深信其說差夫自古豈有以 豆為兵或云役鬼卒以轉的或云借神兵以擊賊志怪 可决知其妄也至於郭京六甲之法果何所本乎其夢 亦 術而成功者哉使果有其術衛霍英衛必用之矣此 知先王有左道亂政之誅乎亦知兵法有禁疑去

鱼与

巴月在書

巷六

侯世胄每喜談而樂道之萬一不幸而售馬其債事勘 地是可為萬世之永戒哉然其術流傳至今未泯也公 既遂底於亡京亦不免於誅而專與傅亦死於沙漠之 討何哉邦昌輔相两朝寵眷隆厚雖闔門死國未足報 之 民之禍可勝言哉 張邦昌受金冊命始有欲自引决之意繼有奉迎康王 一舉視劉豫似有間馬然李綱宗澤指為僭逆力請誅 金立張邦昌為楚帝

欠三日事在事

椒邱文集

金月口尼石電 與亡忍視宗社弘危因以為利乎執事必欲俾我反易 修睦申固盟好非有可吊之民可伐之罪也執事明然 年德澤深厚人心戴之非契丹比嗣皇踐阼以來講信 稱也當金人勸進之初邦昌抗言曰我宋受命垂二百 世也天潢胄裔布在外服益以萬計忠臣該士莫不延 庶怛然莫知獲罪之繇邦昌備位宰輔國存與存國亡 天常僭厥寶位邦昌有死而已不能負不義之名於萬 稱兵而南焚我郊畿陷我都邑俾我二帝播越草辞臣

聲下苟不從則繼之以死如此則金人知衆心戴宗 雖 國有人雖未必肯復二帝亦將從劉彦宗之請復立趙 大國援立異姓必將迎立宗藩糾率義旅北向請罪於 頸顧為趙氏死孰肯捨九葉天子而事田舍翁耶彼聞 師拜官以寵佐逆之黨服柘袍以錢敵設香案以起居 氏矣計不出此顧乃受偽命御正衙頌記以止勤王之 文尼日巨 Enter 欲解僭逆之罪惡得而辭哉 執事豈大國之利哉惟執事其圖之以此說之淚隨 椒邱文集 中

為宋守中原猶未盡陷也王善雄衆七十萬楊進雄衆 哉當高宗嗣位之初國勢雖非舊比然李綱張浚可相 舊業可復高宗非其人也其不能恢復祖宗之弘基宜 毎月四月日言 猶足恃也河北所失者四州河東所失者六郡其餘皆 岳飛韓世忠可將宗澤張所傅亮可當方面之重人材 自古中與之主必有英哲之資而後衰可與亂可發而 黄潛善計决意幸東南不報 以宗澤為東京留守澤累表請帝還京而帝用

為相經畫於內韓岳為將征伐於外命張所招撫河北 可以轉輸也使高宗因可為之勢持必死之心以李張 CRUTICAL ALLEN 原未遽失也奈何柔暗不君有忠賢而不能用知奸佞 車駕往來三京督勵將士縱未能滅完顏而還二帝中 責以復懷衛等四州傅亮經制河東責以復太原等六 三十萬丁進王再與等擁衆各數萬皆願自効可以 郡宗澤留守京城統楊善等百萬之衆以問罪於金而 用之也關陝全城将士可以號召也江漢安堵財賦 椒邱文集

異域嗚呼哀哉 之計稱臣割地甘心馬遂使二帝幽死穹廬八陵隔在 而 有 余讀宋史至於李綱之事未當不掩卷長歎繼之以泣 也網天資忠義知有國而不知有身知有義理而不知 近四月全世 不能去遇機會而不能應不為恢復之圖專事退避 禍福宣和之間汴梁大水幾沒都城網上言變不虚 李綱罷車駕遂東幸兩河郡縣相繼淪陷凡綱 所規畫軍民之政一切廢格 卷六

場有備金兵必不至內侵用於靖康則都城有守徽欽 , 7/ 7. 1 D and Ardin |潘善汪伯彦沮之而貶嗚呼使綱之言用於宣和則 賞功司以勸將士置招撫司以來義兵國勢稍振矣黃 綱請正僭偽之罪以勵士風修茶鹽之法以足國用置 守戰之具召動王之兵敗金於通津門敗金於封丘 而 生將有邊園內侵之患可謂有先見之明矣時軍惡之 金兵稍挫矣李邦彦排之而貶及二帝北遷萬宗嗣 貶靖康之初金兵入冠上下震恐綱建議固都城修 椒虾文集 최 疆 統

多定四月全書 懷忠抱情不復一展所龜也悲夫 **豈至為南渡之偏安哉奈何忠言未用讒說遽行使綱** 必不至北狩用於建炎則兵精而守固盜弭而民安又 善則拜以來羣策致英賢而共雪仇恥可也顧乃信護 所宜痛心疾首下求言之部置敢諫之鼓從諫如流 高宗嗣位之初父兄叔遷中原淪陷家國之禍莫大馬 言殺諫士其不足與有為可知矣帝盍思之東一學録 殺前太學録陳東布衣歐陽澈 朏

去亡 欽定四庫全書 人 哉自古殺諫臣者必亡其國高宗養黃渡江問關航海 萬宗之緒不延不亦宜哉金人之禍趙氏舉族北遷信 澈之死可哀也已如高宗何責馬 已夫豈為身計耶既不用其言又從而戮之是誠何 耳澈一布衣耳其所言者物帝還京及紙用事大臣而 問耳徒以祖宗德澤未泯獲守宗材耳嗚呼東 金襲信王棒於五馬山岩取之榛亡走不知所 卷六椒虾文集

援兵不遣以致諸岩皆陷不知王死於亂兵數抑 出兵撓之雖未能恢復舊業兩京必不至再陷六飛亦 澤與之掎角金攻五馬則澤出兵援之若攻汴都則王 授之以精兵假之以重權伴經輯河北藩屏汴都以 **岩遣使入朝真所謂空谷之足音也為寫宗者當何** 王幸而得脫遂竄民伍艱難萬狀馬擴奉之以節制諸 至航海哉顧乃横生猜忌客飭馬擴圖之五馬被 石之基以廣維城之輔可也如其勢孤力弱則命宗 圃 如

勦 民伍數是萬宗自戕其同氣也一念不善天鑒孔船 果何益之有哉 其後而大統之傳卒歸於太祖之裔向之所以圖樣 以奔則無地惟冀問下見哀而赦已前者奉書 遣杜時亮請和於金致書尼瑪哈曰古之國家 二上亦何必勞師遠涉而後為快哉 願削去尊號是天地之間皆大金之國而尊無 迫於危亡者不過守與奔而已令以守則無人 用

欽定四庫全書 贝

极邱文集

1

而南質我二帝俘我百官朝戮我生靈傾覆我宗社渝 盟誓之言天地思神實聞之天禍我宋大國懷怒稱兵 為詞者宜曰宣和之間馬政奉書在聘薩都將命來臨 矣況移書敵國彼將因是以現我之强弱其可不慎哉 趙文子吕甥之對秦穆公其詞可謂婉而其氣可謂此 早弱之甚也古者兩國交爭非徒辨取於甲兵而已詞 高宗致書尼瑪哈其出於御筆數抑代言者之過數何其 命益有助馬國佐講平於晉華元請平於楚子産之對

約若必欲窮兵以泯我宗社敝邑有死而已因獸猶關 稷尋盟繼好復我二帝歸我中原俾兵民獲底其居鬼 てこりをから 人之心矣高宗此書為何哉徒以召侮而速其兵耳 况國乎做邑雖贏提封萬里帶甲百萬猶可以待命敢 神發歌具祀敝邑之願也金幣之數聘問之禮敢渝舊 大國之强兵健馬物故亦多兵執事若微福我宋之社 盟敗好誰實先之數年來疆事紛紜豈惟我宋受其弊 布腹心執事其圖之如此庶足以存中國之體而折敵 椒邱文集

多戶四月在書 之時金兵蹂躪中原鑾與漂泊江表為臣子者降心以 王庶具玠之譖而真之死豈其罪哉此所以來讒慝之 口也予謂端之死實有以取之非持浚之過也當南渡 張浚之殺曲端議者以為端善撫将士長於兵畧浚以 逐庶而奪其印又欲併王燮兵非當不臣之心詎敢為 從謀協以相濟共圖恢復可也然羅索之取延安庶 師救之而端按兵不進曷當念宗社之阽危耶既乃 張浚殺左武大夫曲端

謂之純臣使其不死亦將如關師古舉關陝以降金耳 使彼食足守固又豈可破耶迹端舉措而察其心不可 豈能效節以立功哉 其說亦非也婁室懸兵深入方圖進取而不乘時圖之 此哉其語張彬破金之策欲按兵據險時出偏師擾之 **檜共政方知其閣不復再薦檜因憾之及服** 初張沒曾與趙鼎論人才沒極稱僧善鼎曰 人得志吾輩無所措手足矣浚以為不然故引 再 此

て こり 5

7.1 L.1

叔环文集

多定四厚全書 方知其間是迷於初而悟於後也鼎知檜奸及僧惟己 佐然墮檜術中而不悟可勝歎哉沒稱檜善引與共政 甚哉人之難知而小人之態易感也張泼趙鼎中興賢 類蔡京凶狡類章惇儉佞類吕惠卿能先意承志以悦 足道哉所深惜者二相知人不明耳且僧之為人鷙忍 言是聽遂深信而力薦之是明於始而昧於終也檜 相槍在政府惟鼎言是從鼎由是深信之言槍 可大任於帝而不知為檜所賣也

吾師灑洛之文也察其用心是益僧之徒也幸而位未 句以為學則曰吾惟性理之學也級語録以為文則曰 之難知而小人之態易感也予觀近世士大夫所譽以 安國亦稱之其卓然不感者晏敦復一人而已甚哉人 人之心矯情節許以啟人之信故沒稱之鼎亦稱之胡 有為其合垢忍辱似有量或解禄以示其廉而不免競 為賢者其强悍似剛直其柔佞似恭謹其攘臂奮首似 刀錐之利或垢服以示其儉而不免侈妾媵之飾守章

とこの単位曲

椒邱文集

銀牙巴屋石電 高宗之材視元帝尤为馬何以知之永嘉之末梁益 靖康之禍類晉永嘉元帝萬宗不能恢復舊業均也而 之於微母使其得志以貽禍於生靈哉 國家患豈下於檜耶嗚呼有天下者尚亦辨之於早察 極權未重未有悟其奸者不幸而據寫位秉重權其為 早降誓的庶使做邑永有憑馬 既蒙恩造許備藩方世世子孫謹守臣節伏望 以何鑄為金國報謝進誓表使表畧曰臣構言

矣所以然者抑豈無其故哉元帝得一王導推心而委 吳粤之域而不忌終乃稱臣納貢以求尚安視晉有魏 髙宗逡巡退縮不能守准又不能守江遂使戎馬蹂躪 未曾稱臣割地以屈於敵而敵亦終不能渡江以為晉 其土地甲兵甚非宋比然元帝以區區江左力抗强大 於李特關陝陷於劉曜幽并充豫之地則聰勒分據之 所失者四州河東所失者六郡其國勢遠過東晉矣然 患益有以待之矣建炎之初關中未陷全蜀無虞河北

大巴马斯 红土

椒虾文集

甫 守江左以抗敵則有餘矣萬宗諸相非無導比然李綱 任之小人不得而間馬導之智畧雖不足以復中原然 已矣 相 樂毅而不疑故能報齊有天下者亦惟專任賢相 秦僧擠之雖有遠猷宏畧又何暇施用哉國勢陵夷 怪其然也嗚呼句踐任范蠡而不疑故能報吳昭王 而汪黃沮之張沒甫相而朱勝非排之趙鼎甫 行人王倫為金所殺 相 而

銀好に居合電

厚禄豈在虚中孝純後哉而倫也恐辱其先執節不屈 官慷慨如張孝純亦為之用以倫之才而臣事之高位 横為中原士大夫鮮能全即文學如宇文虚中既受其 罪大矣然其不受偽官從容就死則有可取者當金人 27ELD WILL VIEWED 節亦可尚矣豫讓反君事讎而能效節於智伯君子猶 哭陳其先世之忠與不敢愛死之意然後就縊馬其志 命之以官而不受脅之以死而不變將死之際南向働 王倫附會秦僧首建和議使宗总於復讎甘心臣金其 椒邱文集 7

才輕肆見女真人報以獲得目之金人積不能平誣以 子之况於倫子河間地震雨雹三日天固鑒其忠矣 以蠟書來告秦檜拒不納已而事覺與其子師瑗等皆 中以忠而受禍也葢當時南北分裂金史得於所見而 死繇金史觀之虚中恃才而致戮也繇宋史觀之是虚 反謀殺之宋史則曰虚中謀因金主祭天叔以南歸先 宇文虚中之死史氏所載互有異同金史則曰虚中恃 金殺其翰林學士宇文虚中

多分口屋有電

2 a. 10 man 顏直暴戾於上大臣積怨於下乃謀却直南歸以免禍 受其官爵典其制命是背君而為雖用矣至其晚節 有才藝然將命出使雖邦宣可自衙以求售哉而虚中 死要不得與死節者此夫童貫好閱之雄有志節者首 不能無所諱宗史得於所傳而亦未究其心也虚中之 知適以速其禍耳雖家無瞧類似若可憫然考其始 之用哉而虚中為之參謀不恥馬是珠其所依矣江 為魏所獲魏人命之作敬罷絕革誓不執筆虚中雖 211. 1 椒邱文集 千三

原之尺寸何哉任賢不專去邪不果故耳夫張沒劉珙 孝宗志圖恢復賢於高宗遠矣無終帝之世不能復中 其如皓等執節不屈未必遽死雖或見殺宗族在南宜 終亦其自取也虚中與洪皓張邵朱弁俱奉使如金使 至詠夷哉受金之官食金之禄聚其族而居馬一旦禍 血嗣於絕是可為人臣之永鑒矣 帝鋭意恢復張浚之降韶幸建康史浩以為不 可王十朋劾浩懷奸惧國等罪遂罷

流舍之而乗舴艋必不能濟千仞之淵矣策驊駋以 是亦郭公之流耳惡足有為哉嗟夫駕艅艎以濟險中 惡惡而不能去此所以亡也孝宗任賢不專去邪 未遠尋以人言而復之小人又安得不售其好乎昔齊 湯思退王之望所謂小人也帝知其邪而點之矣點之 未久處以物議而罷之君子安得行其志乎史浩尹穑 虞允文陳俊鄉所謂君子也帝知其賢而用之矣用之 公問郭父老曰郭何以亡對曰其君好善而不能 版印文芸 二十四 不果 砂 用

· 一般定四庫全書 ■ 宗後遇孝宗远不得施抱憤以及可悲也已方沒之初 馬歸二帝復三京吊遺黎雪響取而已使遇漢光武唐 甚矣君子之道難行也沒之忠勤世鮮與比其志倦倦 遠中道棄之而縣蹇驢必不能防千里之途矣用人亦 太宗而為之馳驅其功烈所就宣淺淺哉惜夫前遇高 猶是也孝宗有恢復之志而不能成功得不以此數 也經理陝蜀國勢稍張矣以涇原之敗而貶及後之 罷張沒判福州行次餘干卒

哉高孝待沒如此至於黄潛善汪伯彦秦槍陽思退 徒則去而復留斥而復用也嗚呼是何君子之不幸 潰而貶夫勝負兵家之常料敵制勝誰能萬全無失也 孝宗起而用之也淮東諸將日以捷聞矣又以符離之 ? !!! 人之幸也 相也烏珠退師劉稅敗如矣又以酈瓊之叛而敗追 不捷一策不效而遽點之使沒雖欲成功其可得 陳俊卿以用入為已任虞允文亦以入才為急 1.1. 1 椒邱文集 二十五

多定四库全書 |職舉矣字吉甫之相也得章澳所疏四十餘人悉用之 王淮之相也得楊萬里所疏六十餘人悉薦之吉南與 未及為相也然不疑澳與萬里之私薦用其所疏則 古之賢相不憚咨求訪之察佐馬訪之賓友馬訪之 謂克舉相職矣夫天下之賢才無窮一人之知識 無職用人其職也擇天下之材理天下之事則相 當籍為三等有所見聞即記之號材館録故所 用 多 知名士 有

庶官 者 相 俊 . . 又 者皆若人天下惡有不治哉世之為相 者 遠之賢馬籍其姓名等其才行惟恐一賢之或遺 **柳九文之材館録可以為相天下者之法矣使** 有 其 見官得其人人稱其職 不能信人有舉其所 以之典獄通敏者以之理材果毅者以之典兵天 -姻 缺 姬 則取諸所籍隨材用之温良者以之牧民剛 則其故德 ij 椒邱文集 非權門之私獨則其子弟所 知者 而 輙 不 疑 知宰相咨求所 而 不 者既 用 ニナ六 而其所 不 能 H 致 用 知 為

馬以房杜富韓自擬亦何不知量哉 暱者耳察其用心益吉南與淮之所不為也顏且咕呫 肖者熟而罰之我何敢私夫然後足以佐天子之賞罰 准為相一何偏比忌刻之甚哉夫熹淮所薦也仲 相之道至公無我而己賢者舉而用之我無所德不 朱熹行部至台知州唐仲友為其民所訟豪按 得其實而仲友與王淮同里且為姻家匿其章 不以聞意論益力淮由是怨惠欲沮之

てこりえ 古人所為哉 崇亦不以為怨也如淮者知庇其姻家而已耳宣暇念 是背本也嗚呼准可謂不思矣趙宣子舉韓厥而厥戮 其僕宣子不以為忤也姚崇薦魏知古而知古劾其子 公法 淮之姻家也仲友有罪為民所訟意不敢顧私思而廢 起 舉浙東我所薦也不知感思圖報則已而劾我姻家 偽學之禁以沮之是果何心哉淮之意宜不曰惠 乃所以為賢也為准者可以自賀矣顧乃怨之嫉 板邱文集 ニキセ

遠畧師旅數興其寬仁不及也世宗恭儉寬洪好賢納 代俗愛民好士制禮崇文其材畧優於世宗矣然務勤 文帝宗仁宗之流景帝真宗殆有愧爲孝文遵漢法變 魏孝文金世宗皆北方之賢君也考其為治之迹益漢 易兵匹库在書 度議者不可少之也 矣然其材畧不及也孝文有明哲之資世宗有宏裕之 上下相安家給人足號稱小堯舜其寬仁優於孝文 金主雍卒

疑潔求諸叔世益千百之十一耳自道學不明士風日! 子笑罵不之恤志於苟得而已矣亮江南布衣年垂五 也守閣請見惟恐其不我納也隸僕呵叱不之恥士君 陋功利之心勝道義之念薄掃門求通惟恐其不我顧 陳亮才氣英邁議論高奇其學未就於道也然其志節 聞而欲見馬亮恥之踰垣而 逃觀不悅 陳亮詣闕上書極言時事孝宗將擢用之曾觀

一次定四車全書 人

椒虾文集

十栖之逆旅中曾觀以潛龍之情勢焰赫然枉駕而顧

者開亮之風亦可以少省哉 夫志在一資半級匍匐於閱豎之門低但於嬖倖之第 養寒不可 狎玩尚足以廉貪而立懦也嗚呼世之士大 卓哉今去亮三百餘年考其事而想見其為人猶松栢 冀中之蜣娘亟踰垣而避之惟恐其污我是何志節之 鞠 之使鄙夫得此必將倒屣而迎望塵而拜避席而後 躬而後言其敢少然於禮耶而亮視之如風中之鼠 帝及皇后幸玉津園屋臣請帝問疾於重華官 對

钦定四車全書 人 **悖徳者况以不孝令乎若光宗者真所謂以不孝令天** 足以悅其耳花鳥交飛足以娱其目水陸雜陳足以適 問疾亦不從方且與皇后同幸王津園想夫絲竹迭奏 以侍燕遊之樂先意承顏繼志述事以此帥民民猶有 上以為民表耳故龍樓問寢以致定省之誠属輦從遊 天子以孝治天下者夫豈人人而誨之哉亦惟躬行於 下矣當是時壽皇寢疾久矣羣臣請朝重華宫不從請 椒虾文集 芜

不從

呼以天子而制於一悍婦不得盡孝於其親果何以令 哉抑光宗之事與唐肅宗正相類耳肅宗制於張后故 明皇有疾不敢往光宗制於李后壽皇有疾不能在嗚 觀之娱是帥天下為無父之國耳四方聞之何所取法 樂不暇熊遊貴為天子乃於父疾彌留之際而肆情遊 此乎夫里巷庸人不知學問然父母有疾亦必迎醫市 恤 其口而壽皇疾勢之增損不暇顧也寢殿之凄凉不 也藥館之進與否又不暇問也少有人心者豈忍為 暇


士之所以為士者以其知恥而畏義耳不知恥不畏義 正心為本以齊家治國平天下為用考其所學粹如也 者又有察元定上下其議論以格物致知為先以誠意 無恥之甚耶自程子倡道伊洛朱子闡而大之從之遊 C 2 D WAT YET WITH 1 天下哉 俗 可以為人况可謂之士哉寧宗之時所謂士者一何 配正吹聲信指相與指為偽學何澹京鐘劉德秀 削前秘閣修撰朱熹官竄處士蔡元定於道州 椒虾文集

天下此數人者不過欲阿時室以速富貴耳豈復顧名義 請籍偽黨余嘉請斬熹以絕偽學高文虎草韶以播告 倡之胡紘姚愈沈繼祖和之於是葉翥請毀語録王沈 容而易聽聞有舉徳秀之名者若親糞上之英圖中之 閩有稱晦庵西山之號者若瞻景星而仰慶雲莫不改 遂竄荒遐之域而澹等縣此貴顯矣柳豈知一時之聲 而知人間有盖恥事哉熹已奉祠既鐫其秩元定末仕 利易熄而千古之是非不泯今去寧宗之世三百餘年

每分四月 台灣

學未聞道故其所建立然不足以追三五之隆及周子 馬至於有宋韓范富歐皆以儒進其相業有可觀者然 燕許以文章居相位不過詞章之儒耳宜其功業無聞 得者非真儒也貢薛以明經登相位不過章句之儒矣 三代而降真儒不作久矣英君誼辟未嘗不嚮儒而所 姐莫不掩耳而惡聞嗚呼世之為士者奈何欲徼一時 之浮祭而取千載之縣罵哉 **ハア・リ・シーこう** 前秘閣修撰朱熹卒 椒虾文集

必做效先王之遺意而不為熙豐之紛更也典章品式 挺生程張朱子繼之此數君子者乃所謂真儒也觀其 而棄浦殼之質好秦箏而厭韶獲之音遂使命世大儒 陋追唐虞三代之隆猶反掌耳奈何宋之諸君寶燕石 必斟酌先王之成法而不為漢唐之甲近也變末世之 堯舜之道致其君必將以商周之法治其民禮樂田畴 所學明性命之大原而不驚於萬遠論經濟之大法而 不敬於沒近使時君置諸相位而推心聽用馬必将以 定 匹库全書



		ラリルと言
		卷六